

RETROSPEKTIVA
BUK 2016. GODINA



BOSANSKO HERCEGOVAČKO UDRUŽENJE
KOPENHAGEN

KO SMO:

8.aprila 2016 sastala se veća grupa građana porijeklom iz BiH sa idejom da iako već ima više aktivnih udruženja naših građana na području Danske, osnuju jedno novo udruženje. BUK je skraćenica za Bosansko-Hercegovačko Udruženje Kopenhagen. Osnivačka Skupština udruženja održana je 28.maja 2016. godine u prostorijama "Kulturstationen Vanløse ". Prisutno je bilo 52 osobe. Osnivačka Skupština je uspješno završena što je omogućilo da BUK započne sa svojim radom.

ŠTA ŽELIMO:

Cilj BUK-a je jasan: njegovanje bosansko-hercegovačke kulturno/historijske baštine, tradicije, muzike, folklora, druženje kroz sport i mnogobrojne druge aktivnosti osoba svih uzrasta. Dakle okupiti sve generacije od najmladjih do penzionera sa fokusom na kulturno/društveni segment. Jedan od ciljeva je svakako stvoriti jednu BiH tvrdjavu koja će nas spasiti od asimilacije i očuvati kulturu i tradiciju.

Drugim riječima BUK je kao udruženje zainteresiran za gradnju mostova između ljudi šireći pozitivnu energiju. Uslijedilo je osnivanje sekcija kao što su folklorna sekcija, likovna sekcija /dječija književno kreativna sekcija, sekcija druženja, futsal sekcija i mučicka sekcija.

ŠTA RADIMO:

BUK organizira mnogobrojne i različite aktivitetes za raznovrsne ciljne grupe. Aktiviteti su podijeljeni na aktivitetes za sve i aktivitetes za članove BUK-a. Aktiviteti za sve mogu biti socijano druženje , bingo, vidjeti neku utakmicu zajedno kao i različite vrste turnira. Aktiviteti za članove mogu biti fešte, večes za uživanje, disko za sve uzraste, klub večeri, sportski aktiviteti., izleti, folklor, raznovrsna predavanja, debate, filmske večeri, teater itd.

OSNIVANJE FOLKLORNE SEKCIJE

Djeca od 5-18 godina podijeljena u dva uzrasta: mlađi (5-12 godina) i stariji (13-18 godina)., gdje starija grupa predstavlja ujedno pripremlnu grupu za odraslu folklornu grupu. Na programu je rad sa pjesmama i igrama koje će biti prilagodjene ovom

uzrastu djece. Odrasla folklorna grupa (od 18 godina,,)

Folklorna sekcija odrasli: voditelj sekcije Edina Pašalić.

Pomoćnici: Džavida Sabitović i Džemila Hazirović.

Folklorna sekcija za djecu: Voditelji: Džavida Sabitović i Džemila Hazirović.

CILJ:

Okupljanje djece predškolskog i školskog uzrasta i odraslih u cilju bavljenja amaterskim kulturno-umjetničkim stvaralaštvom, Njegovanje i održavanje tradicije i kulturnog naslijeđa sa prostora BiH i drugih prostora, očuvanje naslijedjenih kvaliteta i ljepote folklor. Želja da zajedno ponosno pokažemo šta mi to već stoljećima imamo, čuvamo i njegujemo na kulturnim aranžmanima, priredbama, proslavama itd.

Da dočaramo djelić autentičnog i izvornog kulturnog blaga, običaja i tradicije svih narodnosti Bosne i Hercegovine,

Naučiti pjesme i narodna kola koja su zapisana od poznatih etnologa i koreografa,

Tjelesni odgoj koji se sastoji iz osnovnih pokreta sa plesnim elementima gdje se podstiče kreativnost igrom, pokretom i pjevanjem,

Razvijanje i uvježbavanje pokreta uz pjevanje,

Saradnja sa ostalim učesnicima, druženje i aktivno uključivanja u rad i aktivitet gdje se razvijaju socijalne relacije, jača identitet i samopoštovanje,

Jačanje i razvijanje komunikacije i uspostavljanje dijaloga sa drugim aktivistima i publikom.

OSNIVANJE DJEČIJE KNJIŽEVNO/KREATIVNE RADIONCE GDJE SE:

čitaju, analiziraju i ilustruju pripovjedke, bajke i basne, Prepričavaju, recituju i ilustruju pročitane literature kao i priče koje su djeca sama osmislila, Voditelji sekcije: Sanela Babić Poparić , Amra Husilović i Ersan Sarač.

CILJ:

Cilj sekcije je stimulisanje i razvoj bosanskog jezika kroz dječiju književnost, igru i kraće lutkarske predstave, kroz igru, prepričavanje i razgovor o ilustracijama radit će se na

obogaćivanju poznavanja bosanskog jezika, stimulanju i razvoju dječije samostalnosti i individualnog razmišljanja,

Cilj nam je također da stimuliramo i razvijamo dječije socijalne relacije i druženje, kako u toku aktiviteta, tako i u njihovo slobodno vrijeme, koristeći razne materijale i tehnike želimo da im prezentiramo različite metode izražavanja, želju da eksperimentišu i time otvaraju nove mogućnosti za učenje i razvoj bosanskog jezika.

Rad sekcije dječija književnost prezentovana je na Svečanom obilježavanju 25.

Novembra, Dana državnosti BiH i na završnoj zabavi 16. Decembra kojom prilikom su prezentirani dječiji radovi. Uzrast djece je od 5-12 godina.

OSNIVANJE SPORTSKE SEKCIJE (FUTSAL)

BUK FUTSAL ima svoj zakazani termin svakog petka od 20.00 - 22.00 časova na adresi: Islands Brygge, Skole Artillerivej 57, 2300 København.

Voditelj sekcije: Muamer Sultić.

DRUŽENJE SRIJEDOM

Zahvaljujući saradnji sa TV-BELLA Kopenhagen koji su BUK udruženju ustupili termin i prostor za druženje sa fokusom na kulturno/društveni segment, dakle za gradnju mostova između ljudi sa raznovrsnim oblicima aktivnosti.

Voditelji aktiviteta: Edina Pasalić i Dženana Cecić Čolo.

BUK JE U TOKU 2016 GODINE ORGANIZOVAO:

FESTU "U SUSRET JESENI" u subotu 17. Septembar od 19.00 časova u Fælleshuset, Ragnildgade 46, 2100 Kopenhagen Ø. Učesnici programa Trio Frænder—Prijatelji, grupa Sevdahlije i Edina. Cilj je očuvanje kulturne tradicije kroz mušičke aranžmane i zajednička druženja. Sala je bila prepuna zadovoljnih posjetitelja,

"DAN DRŽAVNOSTI" BiH kojom prilikom je obilježen nacionalni dan Bosne i Hercegovine 19. Novembar 2016 g. na adresi Peter Ipsens Alle 27, 2400 Kopenhagen NV u prostorijama 3F-a. Od 17.00—18.30 časova je pisac Alen Mesković održao prezentaciju o svojim pisanim djelima " Ukulele ", " Sator za jedno " iz zbirke pjesama

” Prvi put nazad ”. Od 19.00 časova počeo je zvanični program BUK-a, to jest pozdravni govor predsjednika BUK-a Dževada Ramića, a od 19.15 časova govor socijaldemokrate Peter Hummelgaard Thomsen-a. Od 19.30 časova nastupali su Ženski hor ”Sevdah” zatim ” Balkan Sevdah Klub ” sa Sadikom Šaulićem, grupa SevDahlja ” BUK-ov folklor djece i odraslih, recitacija u izvedbi djece iz BUK-ove književne sekcije te mušicke prezentacije u izvedbi BUK-ovih članova i gostiju. Prepuna sala 3F-a je oslikala zadovoljstvo mnogobrojnih posjetitelja. U znak zahvalnosti za fantastičnu saradnju BUK-ovih članova udruženja kao i ostali posjetitelja BUK-ovih manifestacija BUK je 17. decembra 2016 od 18.00 organizovao ” Novogodišnje druženje ” , Brøndby Strand. U programu je nastupila dječija sekcija knjizevnost i umjetnost, a Djed mraz se pobrinuo za najmladje vrijedne mališane sa novogodišnjim paketićima. Te večeri goste je zabavljala grupa ” SevDahlja ”, zatim Ibro Odžaković, a zbog velikog broja prijavljenih posjetitelja BUK je bio prinudjen zatvoriti daljnje rezervacije, te se ovom prilikom jos jednom zahvaljuje svima na velikom odazivu i obećavamo da će biti prilike za nova druženja u 2017 godini.

Na kraju se zahvaljujemo na izvanrednom i nesebičnom zalaganju prilikom organizovanja raznovrsnih manifestacija, BUK-ovoj folklornoj sekciji djece i odraslih, dječijoj književnoj sekciji, dječijoj likovnoj sekciji muzičkim grupama ”Trio Frænder - Prijatelji“, ”Balkan Sevdah Klub“ sa Sadikom Šaulićem, zaatim Ibri Odžakoviću, grupi ”SevDahlje“, grupi ”DAM“, ženskom horu ”Sevdah“, ženskom horu ”Nostalgija“, danskom horu ”Stjerne“, umjetniku Jasminu kao i svim našim sponzorima.

GDJE IDEMO:

BUK će u skladu sa svojim ciljevima osim očuvanja i njegovanja kulturno/historijske baštine, tradicija, muzike, folkloru BiH, druženja kroz mnogobrojne aktivnosti svih uzrasta , raditi takodjer na upoznavanju drugih narodnosti sa našom kulturom, običajima, umjetnošću itd.

BUK se ovom prilikom zahvaljuje za uspješnu saradnju u 2016 godini svim akterima koji su pomogli u organizaciji raznovrsnih programa, fešti i kulturnih manifestacija. A posebno velikom i nesebičnom zalaganju volontera BUK-a, koji poklanjaju svoje slobodno vrijeme, znanje i stručno iskustvo kako bi najmladji kao i stariji učesnici dobili mogućnost, kako da učestvuju u društveno/kulturnoj naobrazbi tako i u

mnogobrojnim mogućnostima zajedničkih aktiviteta i naravno druženja.

Ovom prilikom zahvaljujemo se izvanrednoj saradnji sa 3F-om najjačom danskom Akasom koja svoje prostorije ustupa BUK-u. Ovom prilikom također želimo da se zahvalimo članu danskog parlamenta, to jest glasnogovorniku Socialdemokrata prepoznatljiv u javnosti kao borac protiv nejednakosti i siromaštva, bl.a. EU-ordfører Peter Hummelgaard Thomsen koji se učestvujući na BUK-ovom obilježavanju Dana državnosti Bosne i Hercegovine u subotu 19. novembra 2016 g. obratio kratkim govorom prisutnim gostima.